



Desperazion



Idiom: Gherdëina
Meludia: Raimond Irsara
Test: Raimond Irsara
Ann de publicazion: 2005

Te na gran zità, busiamënt de jënt,
zënza che te ntëndes, te fregghi l tacuin,
do na seva via odles ja mespies.

L ie la jënt dla desperazion che va ite y ora de perjon.
Sun ëur de streda dut l di, cun ciaut y frëit che ie da patì.

Un te maza per avëi n tòch de pan,
l auter cun na boza chier zeche tl paltan,
una mez desnuda se vënd plu iedesc al di.

Te na gran zità vëniel docà d'uni sort de jënt a crì umanità.
Speranza safuieda che vën zapeda dala ziviltà.

Tei mutons vën ca y gëura su na man,
a scola ne vai nia, nianca n di al ann,
musc de gran miseria, durmì sota n puent.

Malaties che aspieta si ucajon,
ciofs mpestei che tofa n puech da mort.
Agunia vivënta, pest dla zità.